

八年戰爭
詩紀

覺天

八年戰爭
詩紀

覺天



上

八年戰爭詩紀

翻	不	所	版
印	准	有	權

中華民國三十四年十月初版

每冊特價 元

著者

蕭覺天

發行者

霞飛書室

印刷者

世界書局

代售處

各大書局

无白之遺

張國淦題



在此苦悶的八年中覺天寫了許多詩文探
其關於戰爭部分雅俗共賞的輯為詩紀
由七、寫到日寇投降簡直是一部戰爭史
了從嚴正的立場作春秋的褒貶鋤奸
誅僞和激揚民氣方面特別努力尤其
對於可歌可泣的前線將士們如台兒莊
長沙諸役則特別指出是抗戰基礎的
成功於世界戰爭爆發時又特別指出要

從地中海決空戰局侵略和反侵略國的
命運早決之於詩是政略論和戰略論的
結晶同時也是世界人文史地的縮影
不能單拿聲調格律之美來作這部
詩紀的評價孟子說詩亡然後春秋作
我也說出詩不亡戰史可以不作了

民國卅四年日本簽訂降書之日羅靜軒序

八年戰爭詩紀

蕭覺天著

七七曲

民國二十六年七月七日蘆溝橋事變發生即日寇侵華戰爭之開始是月二十八日修麟閣趙登禹陣亡宋哲元退保定

七月七日夜十時。家家乞巧穿紅絲。牛郎走失滹沱岸。帝遣修羅搜索之。玉京城角當壚女。那識牛郎在何許。九色斑龍亂叩關。挾來一陣腥風雨。狂飆吹折蘆花橋。此恨千年不易消。烏鵲南飛明月夜。國魂不死國人招。

孤軍歎

八月十三日淞滬戰起我軍在閘北艱苦奮鬥歷七十六日之久八十八師孫元良所部退蘇州河南岸其掩護隊五百人死守四行倉庫不退遂爲世界注目之孤軍有慰勞者潛送國旗一面於孤軍營懸之巍然

魯殿靈光矣
壯哉壯哉

噫吁嚱。孤哉孤哉。幸而可與共死者。四行倉庫之沙堆。不幸而不與共存者。月浦吳

淞之砲台。八十八師萬人敵。殿軍五百皆英才。大場閔行已失守。蘇州河北成枯藁。
陣地轉移。梵王渡。謝君晉元國副拔劍歌莫哀。願我壯士盡南開。空間換取時間來。不走。
不死。請自隗。彈亦不能爲之下。車亦不能爲之摧。巍然魯殿懸風桅。桅上飄揚中國。
旗。桅上飄揚中國旗。

戰城南

七月戰。桑乾渚。殲我佟軍趙登禹。

佟廿九軍副軍長
趙百卅二師師長

八月戰。楊樹浦。炸我京杭蘇太滬。南

進北進勢不休。封我山海關津至汕頭。九國公約且退出。直接交涉何由瘳。英使許

閣森。美艦潘南號。

譯音

興酣落彈去不告。

廿六年八月廿六日下午二時英駐華大使許閣森由京乘懸有英國旗之汽車赴滬途中被日機炸傷脊部又十二月十二日美

艦潘南號被炸
沉死傷多人

海空怒吼攻江陰。奪取南京已決心。句容當塗救不得。石頭日落江東沉。

十一月廿三日日海空軍攻江陰砲台十二月六日句容失陷南京
已入戒嚴狀態中十日佔京蕪間之當塗十三日南京我軍全撤退

兵不渡江死。渡江江水深。士卒膏魚

腹婦孺恥成擒。乃知亡國滅種禍難測。從君西去同苦甘。四萬萬人約法三倭寇。不滅家不還。

哀韓復榘

山東主席兼第三軍軍長不戰而退坐法死其部隊改歸孫桐萱曹福林統率

馬蹄躡踢聖人邦。豈有貔貅借酒降。地涌珍珠奔灤口。湖翻楊柳亂城幢。垂頭食肉生何補。刎頸酬恩死亦懣。寄語八千佳子弟。好憑編遣渡烏江。

八路军

中國共產黨宣述四項諾言實現三民主義取消赤化暴動及蘇維埃政府紅軍改編爲八路军立誓擁護抗日朱德彭德懷任正副軍長

塞上新編八路军。朱彭今已效忠勤。青天白日無私照。碧血黃沙不掩羣。信誓鵠原情旦旦。頒傳虎節語斤斤。鏹鋤本是君家物。禦侮攜來樂我員。

送友人還鄂

時在粵東特署有聞南京不守告歸武漢者

聞君歸去動鄉愁。楚尾吳頭戰未休。天下江山爭北固。泥中軒冕會南樓。淮陰背水

傳殄日。優孟彈冠。置酒秋國。破可憐。疏受在何人。更爲負薪謀。

挽郝軍長夢齡

晉北華軍向原平一帶日軍總攻郝軍長及師長團長數人陣亡

記曾潰口奉漿壺。白兆山頭雨雪無。戊辰予守德安郝隸魏益三部率師過境相得甚歡別來十年不復見矣刁斗夜催人。北上鐵

衣霜。犯馬前驅。十年百戰摧頑寇。九合三奔禦賈胡。聞道原平圍幾匝。知君寧死不甘俘。

大道

十二月僞上海大道市政府在浦東成立刺蘇錫文也

大道法自然。汝獨訴諸武。道其道非吾。道府其府非吾府。堯舜不作誰禪禹。季氏自爲八佾舞。彼狡童兮。不與我同父。鮮卑契丹迭爲中國主。降及遼金夏蒙古。元清兩代不同文。况乃八紘爲一字。治於人者食於人。魁礪之戲皆本土。君不見猛虎噬人魂。受蠱寬衣解帶作倭虎。又不見漁舟參養下。潭鷹攫取魚兒吞。復吐今日不雨明。

日不雨。蚌何自苦。小子攻之可鳴鼓。謂非中國人。乃在春申浦。謂爲中國人。胡竟自忘。祖道其不行矣。夫自侮而後人侮。

臨時 僞北平臨時政府
成立刺王克敏也

分明攘竊號臨時。豆剖瓜分不自知。一國豈容三鼎足。百年猶恨五羊皮。黃龍割治非無府。青史誅奸合有辭。畢竟靈魂誰主宰。偶人夜語總成癡。

維新 中華民國二十七年三月僞南
京維新政府成立刺梁鴻志也

末俗無明德。維新命舊邦。雞鳴荒寺鬼。牛首隔山魈。猿鶴羞千載。薰蕕集一缸。如何談禮樂。祇是阿衣腔。 阿衣日文
偏假名也

參政會

四月中國國民黨代表大會在漢決
議創設參政會七月六日在漢開幕

大事當機斷。盈庭可奈何。文章懸日月。血肉挽山河。獻曝情難盡。調元春已多。若人

無黨見取瑟爲誰歌。

中緬路

日軍封鎖我山海關至汕頭之海岸線英美無斷然處置我則趕築滇緬路以通仰光然泰國越南尙堪憂慮

中緬路古來無人通。滇池洱海欲相接。乃自碧雞關外。蜿蜒橫絕萬山中。一切犧牲。所不惜。國防第一。天下爲公安。寧祿豐至廣通。雲間雞犬初相逢。鎮南祥雲達大理。仰面歷歷青天峯。雪山拔地五千仞。瀾滄倒瀉何洶洶。漾濞折而東。永平雲擁保山。松上有巉巖。之他念他翁。下有黑水之怒夷。毒風鳥飛不到木姐渡。胡爲千夫鑿洞。萬夫背籠。朞月而成厥功。南經龍陵至臘戍。北通八莫出騰衝。莫不以仰光爲海口。舟車所至。物力從我欲。問英美軍實充未充。馬來半島尙隔絕。何不遠交而近攻。暹羅越南雖叢爾。順我則吉。逆我凶。軍略外交爭。一著得狗不如先得龍。頗聞白宮主綏靖。養癰遺患將無窮。物資援助能幾許。我能往寇亦能封。但見農工揮血汗。蒼梧

斑竹石苔紅。天長路遠廢時業。風雨飢寒無怨容。中緬路誰之功。大人這莫忘沙蟲。
不念子孫念祖宗。努力自救將毋同。

青年團

青年何所有。赤血與丹心。革命成功未。兵車入寇深。挺身當大難。洗耳聽佳音。老矣
寧無用。和鳴鶴在陰。

台兒莊

台兒莊之役李宗仁親赴前線指揮又得政府大軍增援將士用命鏖戰八晝夜日軍潰退長期抗戰之基礎奠於此矣

東登泰岱望青徐。荒城火炬如飛鳥。西上太行望同蒲。白沙漫漫車轆轤。盡道天驕
無術破百二名城。彈指墮羣烽。照市事辛酸。諸將脫逃無乃懦。獨秀峯高出異人台。
兒莊上運機神。橫戈憤悻殲戎醜。江北江南士氣振。頽勢因茲得振轉。臨沂擊退東
門犬。一城得失何重輕。東西兩翼獲舒卷。把住徐州隴海頭。津浦平漢力交流。結集

蘭封趨鄭洛。問君事變何時休。莊上鑾兵八晝夜。前仆後繼如潮瀉。妖酋震懾請灰釘。屍骨如山愁火化。飛將從來不伐功。功歸恩伯與自忠。炳勳鎮南皆矯健。青天白日勳章紅。敗固不憂勝勿喜。士貴知己復知彼。江。淮。河。海。泥。淖。深。起。視。扶。桑。一。點。耳。

二十七年四月國民黨代表大會在漢閉幕發表宣言讀後書感

宣言大意希望日本放棄侵略與中

國合作樹立
永久和平

永久和平夢。宣言想像中。無權止侵略。合作總成空。

張伯倫 (Chamberlain)

時任英
國首相

我聞張伯倫。名重英吉利。客從中歐來。告我以納粹。萊茵多瑙河。挺進黑衣隊。黑衣心。俱。黑。老。人。情。卻。迂。英。倫。三。島。外。不。敢。暫。停。車。海。水。翻。颶。風。一。波。怒。一。波。愚。公。但。呼。籲。如。此。風。波。何。昔。爲。釣。鼈。人。今。作。盪。舟。客。煙。水。任。推。移。何。以。爲。龍。伯。

聞德併奧義併阿書感

日耳曼人爲禍首。撒丁羅馬竟同心。揭開序幕兵車滿。醞釀風雲歲月深。一發可能兼弱小。百年無計定浮沉。乾坤浩劫東西火。共業將焚苦毒林。

虎門吟

贈虎門要塞司令

貴筑鞭塵君後歸。

前年與郭司令思演同客貴陽

鯨魚噴浪鐵鸞飛。囊沙聚米籌封鎖。虎嘯風生水作圍。

莫匪滄洲釣國手。登壇背水羞功狗。要同民族爭生存。喚起蛟龍作獅吼。虎門要塞

誰能過。銅柱天南有伏波。珂鄉子弟善征戰。蠢爾蠻夷當奈何。連朝風雨掀天急。盡

道吳淞海水立。固險須無隙可乘。樓臺蜃氣防空襲。我今不是杞人憂。天下安危借

著籌。中原陸海交通線。一髮千鈞繫廣州。防江不防海。局部偏安幾人在。防海不防

江。我亦心憂父母邦。長隨征雁爲遷客。鷄啼霜海城白。未能遮虜莫言歸。此意與

君同蹙額。

空鳥吟

廣州連日
遭空襲也

空中鳥。軋軋鳴。是誰奏技調風箏。有輪不碾地。插翅御風行。墨子用之。窺宋城。今人
變本益加厲。鐵卵生時。山嶽傾。空中鳥撲撲飛。鷗鷺忘機。夜不歸。假借風雲勢。發揚
鷹隼威。城郭今是而昨非。非我族類其心異。石光電火淅淅吹。行人遇之如搏兔。居
者當之共墳墓。觀音山下屍滿坑。海珠橋斷無人渡。最慘長隄賣菜嫗。骨肉分飛肢
挂樹。庠序塵市盡邱墟。遑論機場與武庫。鷗鷺何不仁。朝夕取毀傷無數。壯士
援弓繳。忽彈飛鳥落。燕尾拖晴煙。不似冲天鶴。須臾墮地光灼灼。體無完膚餘獨脚。
羣兒圍觀呼羅雀。莫莫任他懺悔誰之惡。以德服人不以虐。

聞決河

黃河之水天上來。灌渠爲利。汎濫爲災。草菅人命。吾豈敢。敵機炸毀。隄防洞開。昨決
蘭封南。今決鄭州北。濁流千里。傾片刻。披髮提壺。渡不得。牲畜飄流。遑問稼穡。人其
魚乎。心恨賊爾。獨何慊於吾國。國無罪兮。民無辜。黃河之水。何時枯。

戰馬當

江茫茫。天蒼蒼。壯士虎衣戰馬當。東望京口。西望武昌。撐持一日。一日強。長城雖壞。
肉爲鋼。那怕東風似虎狂。上有挾彈之螭蜋。下有噴火之機槍。雜以餘腥。十七八。列
缺霹靂。魂慘傷。傷亦竟不死。圍亦竟不降。相持六日夜。碧血染長江。馬當馬當。豈易
下。寸水。寸山。須代價。

國聯行政院

會議阿比西尼亞問題
及中國申請援助案

牛耳冠裳會。風雷繞灌壇。束牲書尙在。進退兩艱難。